

ქალაქ თბილისის მუნიციპალიტეტის ვაკის რაიონის გამგეობა



გამარტივებული ელექტრონული ტენდერით
ქალაქ თბილისის მუნიციპალიტეტის ვაკის რაიონის ტერიტორიაზე სხვადასხვა სახის ღობეების
აღდგენისა და მოწყობის სამუშაოების სახელმწიფო შესყიდვა
CPV 45300000

სატენდერო დოკუმენტაცია

ქ. თბილისი
2015 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია.....	4
3. სახელმწიფო შესყიდვის შესახებ ხელშეკრულების პროექტი	6
4. დანართი N1 რეკვიზიტები.....	13
5. დანართი N2 ფასების ცხრილი	14
6. დანართი N3 გამოცდილების ცხრილი	15

1. ინსტრუქცია ტენდერში მონაწილეთათვის

1.1. გამარტივებული ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.

1.2. სახელმწიფო შესყიდვების ერთიანი ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების შესაბამისად.

1.3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიანი ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, თამარაშვილის ქ. N10ა, საკონტაქტო პირი: ნათელა ელიზბარაშვილი, ნატო დავითაშვილი **ტელ: 2 31 88 45.**

2. ტექნიკური დავალება

2.1 მიმწოდებელმა უნდა უზრუნველყოს ქალაქ თბილისის მუნიციპალიტეტის ვაკის რაიონის ტერიტორიაზე, 1300 გრძ. მეტრზე, სხვადასხვა სახის ღობეების აღდგენისა და მოწყობის სამუშაოების განხორციელება, წინასწარ გადაცემული ესკიზის შესაბამისად (ესკიზი ატვირთულია ერთიან ელექტრონულ სისტემაში წინამდებარე სატენდერო დოკუმენტაციასთან ერთად).

2.2 ღობეების სამონტაჟო სამუშაოები უნდა განხორციელდეს შემდეგ მოთხოვნათა დაცვით:

2.2.1 სამუშაოების შესრულების დროს უნდა მოხდეს მე-2 კატეგორიის გრუნტის დამუშავება.

2.2.2. ღობეების საყრდენი მილკვადრატები მიწაში უნდა ჩამაგრდეს ანაკლებ 45 სმ. სიღრმეზე, B15 და B20 კატეგორიის ბეტონით.

2.2.3. უნდა მოხდეს ლითონის ღობის მონტაჟი.

2.2.4. ღობის აწყობა უნდა მოხდეს ლითონის მილკვადრატებისა და ლითონის ფურცლის მეშვეობით (მილკვადრატები: 60/40/2; 20/40/2 და 15/15/1.5; ლითონის ფურცელი: 1.5მმ).

2.2.5. უნდა მოხდეს ლითონის ღობის შეღებვა ორივე მხრიდან ორ პირად ანტიკოროზიული საღებავის საშუალებით.

2.2.6. სამუშაოების დასრულების შემდეგ უნდა მოხდეს სამშენებლო ტერიტორიის დასუფთავება.

3. შესყიდვის სავარაუდო ღირებულება:

შესყიდვის ობიექტის სავარაუდო ღირებულება შეადგენს: **150 000.00** (ას ორმოცდაათი ათასი ლარი და 00 თეთრი) ლარს.

4. ანგარიშსწორების პირობები:

4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

4.2. ანგარიშსწორება მოხდება უნაღდო ანგარიშსწორებით ლარში.

4.3. ანგარიშსწორება მოხდება მიღება-ჩაბარების აქტის გაფორმებიდან 30 დღის განმავლობაში, მაგრამ არაუგვიანეს 2015 წლის 31 დეკემბრისა.

4.4. შესაძლებელია წინასწარი ანგარიშსწორება მიმწოდებლის მიერ წარმოდგენილი მოთხოვნის და მხოლოდ საბანკო დაწესებულების მიერ გაცემული საბანკო გარანტიის საფუძველზე არაუმეტეს ხელშეკრულების ღირებულების 30%-სა. (ავანსის საბანკო გარანტიის ვადა 1 (ერთი) თვით უნდა აღემატებოდეს სამუშაოების დასრულების ვადას).

4.5. დაფინანსების წყარო ქალაქ თბილისის მუნიციპალიტეტის 2015 წლის ბიუჯეტით ვაკის რაიონის გამგეობისთვის დამტკიცებული ასიგნებები.

5. სამუშაოს შესრულების ადგილი, ვადები და პირობები:

5.2. სამუშაოების შესრულება უნდა მოხდეს ეტაპობრივად, შემსყიდველის მოთხოვნის შესაბამისად, მაგრამ არაუგვიანეს 2015 წლის 20 დეკემბრისა.

5.3. სამუშაოს შესრულების ადგილი, ქ. თბილისი, ვაკის რაიონის ტერიტორია.

6. გამოცდილება.

პრეტენდენტს უნდა გააჩნდეს არანაკლებ 100 000.00 (ასი ათასი ლარი და 00 თეთრი) ლარის ღირებულების სამშენებლო სამუშაოების შესრულების გამოცდილება, რომლის თაობაზეც ინფორმაცია მოცემული უნდა იყოს ცხრილის სახით (დანართი N3) და აღნიშნულის შესაბამისი დამადასტურებელი

დოკუმენტაცია (ხელშეკრულებ(ებ)ი), მიღება-ჩაბარების აქტ(ებ)ი-ფორმა N2 (ასეთის არსებობის შემთხვევაში)) ატვირთული უნდა იქნას ერთიან ელექტრონულ სისტემაში.

7. ფასწარმოქმნის ადექვატურობის დასაბუთება¹:

7.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადექვატურობის დამადასტურებელი დოკუმენტი, ექსპერტიზის დასკვნა ან/და პროფორმა ინვოისი 10 (ათი) სამუშაო დღის ვადაში.

8. პრეტენდენტის მიერ ერთიან ელექტრონულ სისტემაში ასატვირთი მონაცემები:

8.1. პრეტენდენტმა უნდა წარმოადგინოს რეკვიზიტები (დანართი N1);

8.2. ხარჯთაღრიცხვა (დანართი N2);

8.3. ინფორმაცია სულ მცირე 100 000.00 (ასი ათასი ლარი და 00 თეთრი) ლარის ღირებულების სამშენებლო სამუშაოების შესრულების გამოცდილების შესახებ, რომელიც მოცემული უნდა იყოს ცხრილის სახით (დანართი N3). ამასთან ერთიანი ელექტრონული სისტემის მეშვეობით წარმოდგენილ უნდა იქნას ზემოაღნიშნული გამოცდილების დამადასტურებელ დოკუმენტაცია (ხელშეკრულებ(ებ)ი, მიღება-ჩაბარების აქტ(ებ)ი-ფორმა N2(ასეთის არსებობის შემთხვევაში)).

შენიშვნა:

1. წინამდებარე დოკუმენტაციის 8.2. პუნქტით გათვალისწინებული ხარჯთაღრიცხვა შედგენილ უნდა იქნეს საქართველოს მთავრობის 2014 წლის 14 იანვრის N55 დადგენილებით დამტკიცებული „ტექნიკური რეგლამენტის - სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ შესაბამისად.

2. მიმწოდებელი ვალდებულია უზრუნველყოს „შეზღუდული შესაძლებლობის მქონე პირებისათვის სივრცის მოწყობისა და არქიტექტურული და გეგმარებითი ელემენტების ტექნიკური რეგლამენტის დამტკიცების თაობაზე“ საქართველოს მთავრობის 2014 წლის 6 იანვრის №41 დადგენილებით გათვალისწინებული ნორმების დაცვა.

3. სამუშაოების დასრულების შემდეგ 1 (ერთი) წლის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია მიმწოდებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით, შემსყიდველის მიერ წინასწარ წერილობით განსაზღვრულ ვადაში.

¹ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის მე-2¹ პუნქტი.

**ხელშეკრულება სახელმწიფო შესყიდვის შესახებ
გამარტივებული ელექტრონული ტენდერი - SPA**

ქ. თბილისი

“___” _____ 2015 წ.

ხელშეკრულების პირობების საბოლოო ვარიანტი შეიძლება დაზუსტდეს ტენდერში გამარჯვებულ პრეტენდენტთან ხელშეკრულების გაფორმების პროცესში.

ერთის მხრივ ქალაქ თბილისის მუნიციპალიტეტის ვაკის რაიონის გამგეობა (შემდგომში „შემსყიდველი“), წარმოდგენილი გამგებლის სახით და მეორეს მხრივ (შემდგომში „მიმწოდებელი“), წარმოდგენილი სახით, საქართველოში მოქმედი კანონმდებლობის, მათ შორის „სახელმწიფო შესყიდვების შესახებ“ ორივე ერთად წოდებული როგორც “მხარეები”, ვმოქმედებთ, რა საქართველოს კანონმდებლობის, მათ შორის “სახელმწიფო შესყიდვების შესახებ” საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „შემსყიდველი ორგანიზაცია“ (შემდგომში „შემსყიდველი“) - ორგანიზაცია (დაწესებულება), რომელიც ახორციელებს შესყიდვას;
- 1.4 „მიმწოდებელი“ - პირი, რომელმაც მოიპოვა გამარჯვება ტენდერში და ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ - კალენდარული დღე, კვირა, თვე, გარდა წინამდებარე ხელშეკრულებით გათვალისწინებული გამონაკლისისა.
- 1.6 „სამუშაო“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ქალაქ თბილისის მუნიციპალიტეტის ვაკის რაიონის ტერიტორიაზე სხვადასხვა სახის ღობეების
მოწყობისა და აღდგენის სამუშაოების სახელმწიფო შესყიდვა
(CPV 45300000)

3. ხელშეკრულების ღირებულება, ვადები და შესრულების ადგილი

- 3.1 ხელშეკრულების ღირებულება შეადგენს ----- ლარს.
- 3.2 ხელშეკრულების ღირებულება მოიცავს როგორც შესასრულებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯსა და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების

პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4 სამუშაოს შესრულების ვადა: არაუგვიანეს 2015 წლის 20 დეკემბერი.

3.5 სამუშაოს შესრულების ადგილია: ქ. თბილისი, ვაკის რაიონი.

4. მხარეთა მოვალეობები

4.1. მიმწოდებელი ვალდებულია:

4.1.1. შეასრულოს წინამდებარე ხელშეკრულების მე-2 მუხლით გათვალისწინებული სამუშაო დანართი N__ - ის და შემსყიდველის მიერ გადაცემული ესკიზის შესაბამისად.

4.1.2. სამუშაოების შესრულების დროს უნდა მოახდინოს მე-2 კატეგორიის გრუნტის დამუშავება.

4.1.3. უზრუნველყოს, რომ ღობეების საყრდენი მილკვადრატები მიწაში ჩამაგრდეს 45 სმ. სიღრმეზე, B15 და B20 კატეგორიის ბეტონით.

4.1.4. უზრუნველყოს, რომ ღობის აწყობა მოხდეს ლითონის მილკვადრატებისა და ლითონის ფურცლის მეშვეობით (მილკვადრატები: 60/40/2; 20/40/2 და 15/15/1.5; ლითონის ფურცელი: 1.5მმ).

4.1.5. უზრუნველყოს ლითონის ღობის შეღებვა ორივე მხრიდან ორ პირად ანტიკოროზიული საღებავის საშუალებით.

4.1.6. სამუშაოების დასრულების შემდეგ უზრუნველყოს სამშენებლო ტერიტორიის დასუფთავება.

4.1.7. ანიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, შემსყიდველის მიერ წერილობით დადგენილ ვადებში უზრუნველყოს აღმოჩენილი ხარვეზის გამოსწორება;

4.1.8. ხელი შეუწყოს შემსყიდველს ინსპექტირების განხორციელებისას;

4.1.9. სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

4.1.10. საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

4.1.11. მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი, კერძოდ: შესრულებული სამუშაოთა მაღალი ხარისხის უზრუნველსაყოფად მოქმედი სამშენებლო ნორმების შესაბამისად, შემსყიდველის მოთხოვნის შემთხვევაში, მიმწოდებელი ვალდებულია, მასალების გამოცდისათვის საჭირო სპეციალიზირებულ ლაბორატორიაში, ჩაატაროს გამოსაყენებელი მასალების ხარისხის ყველა საკონტროლო ლაბორატორიული გამოცდები და შემოწმებები მათი გამოყენების ვარგისიანობაზე. აღნიშნულიდან გამომდინარე სამუშაოების შესრულების დროს, მოთხოვნის შემთხვევაში, მიმწოდებელი ვალდებულია წარმოადგინოს გამოყენებული მასალების ლაბორატორიული დასკვნები და რეცეპტები, რომელთა ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. დასკვნასთან ერთად წარმოდგენილი უნდა იქნას დასკვნის გამცემი ლაბორატორიის შესაბამის სფეროში ლიცენზირების დამადასტურებელი დოკუმენტის ნოტარიულად დამოწმებული ასლი.

4.1.12. დაიცვას შემსყიდველის მიერ, წინამდებარე ხელშეკრულების შესრულებასთან დაკავშირებით, წერილობით განსაზღვრული პირობები.

4.1.13. უზრუნველყოს ამ ხელშეკრულებით გათვალისწინებული სხვა ვალდებულებების განხორციელება.

4.2. შემსყიდველი ვალდებულია:

4.2.1. უზრუნველყოს შესრულებული სამუშაოს წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;

4.2.2. სამუშაოს დაწყებამდე წერილობით აცნობოს მიმწოდებელს სამუშაოს შესრულების პირობები.

4.2.3. განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და საგარანტიო ვადა

5.1. ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოს კანონმდებლობით გათვალისწინებულ სამშენებლო ნორმებისა და წესების მოთხოვნებსა და სტანდარტებს.

5.2. სამუშაოების დასრულების შემდეგ 1 (ერთი) წლის განმავლობაში რაიმე წუხის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუხი (ნაკლოვანებები, დეფექტი) გამოწვეულია მიმწოდებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით, შემსყიდველის მიერ წინასწარ წერილობით განსაზღვრულ ვადაში.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებენ ქალაქ თბილისის მუნიციპალიტეტის ვაკის რაიონის გამგეობის თანამშრომლები (უფლებამოსილი პირები).

6.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, პერიოდულად ჩაატაროს ხარისხის კონტროლი და თუ აღმოჩნდება წუხი შესრულებულ სამუშაოში მიმწოდებელი ვალდებულია შემსყიდველის მიერ წერილობით დადგენილ ვადებში გამოასწოროს წუხი.

7. შესყიდვის ობიექტის მიღება-ჩაბარების წესი

7.1 შემსყიდველის მიერ შესყიდვის ობიექტის, ან მისი ნაწილის მიღება ფორმდება მიღება-ჩაბარების აქტით. შესრულებული სამუშაოების მიღება - ჩაბარებაზე უფლებამოსილ პირებს წარმოადგენენ ვაკის რაიონის გამგეობის თანამშრომლები (უფლებამოსილი პირ(ებ)ი).

7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი მიმწოდებლის მიერ წინასწარ განსაზღვრულ გონივრულ ვადაში. ხარვეზის აღმოფხვრასთან დაკავშირებული ვადა თავის მხრივ გავლენას არ ახდენს სამუშაოების შესრულების, წინამდებარე ხელშეკრულებით განსაზღვრულ ვადებზე და პირობებზე.

7.4 იმ შემთხვევაში თუ მიმწოდებელი არ გაასწორებს გამოვლენილ ხარვეზს შემსყიდველის მიერ განსაზღვრულ გონივრულ ვადებში, შემსყიდველის უფლებამოსილი პირი/პირები შეაფასებს გამოვლენილი დეფექტის და დეფექტის მიერ გამოწვეული ზიანის ღირებულებას, რომელიც გამოიქვითება ანგარიშსწორებით გათვალისწინებული თანხებიდან და დაეკისრება პირგასამტეხლო.

7.5 სამუშაოების (ან მისი ეტაპის) დასრულების შემდგომ დასაშვებია შუალედური აქტის გაფორმება.

7.6 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს აღმოჩენილი ფაქტიურად გასაწევი სამუშაოების გათვალისწინებით, რაზეც გაფორმდება შესაბამისი მიღება-ჩაბარების აქტი.

7.7 მიღება-ჩაბარების აქტის გაფორმებასთან ერთად, მიმწოდებელი ვალდებულია წარუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

8. ანგარიშსწორება

8.1 ანგარიშსწორების ვალუტა – ლარი.

8.2 ანგარიშსწორების ფორმა – ანგარიშსწორება მოხდება უნაღდო ანგარიშსწორებით ქალაქ თბილისის მუნიციპალიტეტის 2015 წლის ბიუჯეტით ვაკის რაიონის გამგეობისთვის გამოყოფილი ასიგნებებით. წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3 შემსყიდველი იღებს ვალდებულებას გადაუხადოს მიმწოდებელს შესრულებული სამუშაოს ღირებულება მიღება-ჩაბარების აქტების გაფორმებიდან და საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან 30 (ოცდაათი) დღის განმავლობაში, მაგრამ არაუგვიანეს 2015 წლის 31 დეკემბრისა. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

8.4 შემსყიდველი უფლებამოსილია უარი თქვას ანგარიშსწორებაზე წინამდებარე ხელშეკრულებიდან გამომდინარე მიმწოდებლისათვის დაკისრებული პირგასამტეხლოს მიმწოდებლის მხრიდან, წინამდებარე ხელშეკრულების შესაბამისად სრულად გადახდამდე.

8.5 შესაძლებელია წინასწარი ანგარიშსწორება მიმწოდებლის მიერ წარმოდგენილი მოთხოვნის და მხოლოდ საბანკო დაწესებულებიდან წარმოდგენილი საბანკო გარანტიის საფუძველზე არაუმეტეს ხელშეკრულების ღირებულების 30%-სა. (ავანსის საბანკო გარანტიის ვადა 1 (ერთი) თვით უნდა აღემატებოდეს სამუშაოების დასრულების ვადას).

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლოდ მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულებაში ცვლილებების შეტანა

10.1 ხელშეკრულებაში ცვლილების განხორციელება შესაძლებელია მხარეთა მიერ წერილობითი შეთანხმების საფუძველზე.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების პირობების შეუსრულებლობა

11.1 წინამდებარე ხელშეკრულების მე-4 მუხლით, გათვალისწინებული ვალდებულებების შეუსრულებლობის ან არაჯეროვნად შესრულების შემთხვევაში (გარდა შესრულების ვადის და ხარვეზის აღმოფხვრისათვის წერილობით განსაზღვრული ვადის დარღვევისა), მიმწოდებელს თითოეული შემთხვევისათვის დაეკისრება პირგასამტეხლო ხელშეკრულების საერთო ღირებულების 0.1%-ის ოდენობით.

11.2 წინამდებარე ხელშეკრულებით გათვალისწინებული სამუშაოს შესრულების საბოლოო ვადის, დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების შეუსრულებელი ნაწილის ღირებულების 0.1%-ის ოდენობით.

11.3 წინამდებარე ხელშეკრულებით გათვალისწინებული ხარვეზის აღმოფხვრისათვის წერილობით განსაზღვრული გონივრული ვადის დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების საერთო ღირებულების 0.1%-ის ოდენობით.

11.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.5 წინამდებარე მუხლით გათვალისწინებული გარემოებების არსებობისას ხელშეკრულების შეწყვეტის შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად შესრულებული სამუშაოს ღირებულება.

11.6 თუ მიმწოდებლის მხრიდან წინამდებარე ხელშეკრულებით გათვალისწინებული სამუშაოს შესრულების ვადის დარღვევა გამოწვეულია შემსყიდველის მიერ განსაზღვრული საექსპერტო ჯგუფის მიერ შესყიდვის ობიექტის ან მისი ნაწილის რაოდენობრივი და ხარისხობრივი პარამეტრების შემოწმებისათვის აუცილებელი დროის გამოყენებით, ასეთ შემთხვევაში არ იქნება გამოყენებული წინამდებარე მუხლის 11.1 და 11.2 პუნქტებით გათვალისწინებული სანქცია.

11.7 წინამდებარე ხელშეკრულებიდან გამომდინარე მხარისათვის დაკისრებული პირგასამტეხლო გადახდილი უნდა იქნეს მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან ერთი თვის ვადაში.

12. ხელშეკრულების შეწყვეტა

12.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების ცალმხრივად შეწყვეტის შესახებ.

12.2 ამ მუხლის მხარეები 12.1 პუნქტით გათვალისწინებულ შემთხვევაში მხარეები ვალდებული არიან შეატყობინონ მეორე მხარეს ხელშეკრულების ცალმხრივად შეწყვეტის შესახებ მირებული გადაწყვეტილების შესახებ, მისი საფუძვლების და ამოქმედების თარიღის მითითებით.

12.3 შემსყიდვებილი უფლებამოსილია ცალმხრივად შეწყვიტოს ხელშეკრულება, ან უარი თქვას ცალკეული პირობის შესრულებაზე მათ შორის შემდეგ შემთხვევებში:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში.

12.3.3 მიმწოდებლის მიერ ხელშეკრულებით გათვალისწინებული სამუშაოს შესრულების საბოლოო ვადის 20 დღეზე მეტი ვადით დარღვევის შემთხვევაში.

12.3.4 თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

- 12.3.5 მიმწოდებლის მიერ ხარვეზის გამოსწორებაზე უარის თქმის ან არ გამოსწორების შემთხვევაში.
- 12.3.6 მიმწოდებლის გაკოტრების შემთხვევაში;
- 12.3.7 საქართველოს კანონმდებლობით გათვალისწინებულ სხვა შემთხვევებში;
- 12.4 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.
- 12.5 ამ მუხლის 12.3 პუნქტით გათვალისწინებულ შემთხვევაში შემსყიდველი ვალდებულია აუნაზღაუროს მიმწოდებელს, ხელშეკრულების შეწყვეტის მომენტისათვის ფაქტიურად შესრულებული სამუშაოს ღირებულება.
- 12.6 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 12.7 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13. უფლებების და ვალდებულებების გადაცემის დაუშვებლობა

- 13.1 მიმწოდებელი შემსყიდველის წინასწარი წერილობითი თანხმობის გარეშე, არ არის უფლებამოსილი მთლიანად ან ნაწილობრივ გადასცეს წინამდებარე ხელშეკრულებიდან გამომდინარე თავისი ვალდებულებ(ებ)ი და უფლებ(ებ)ი მესამე პირ(ებ)ს.

14. ფორს-მაჟორი

- 14.1 ხელშეკრულების მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებ(ებ)ის შედეგი.
- 14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია სტიქიური მოწინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.
- 14.4 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

15. სადავო საკითხების გადაწყვეტა

- 15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია საქართველოს კანონმდებლობით დადგენილი წესით მიმართოს საქართველოს საერთო სასამართლოებს.

16. ხელშეკრულების მოქმედების ვადა

16.1 ხელშეკრულების მოქმედების ვადაა ხელშეკრულების გაფორმებიდან 2016 წლის 31 იანვრის ჩათვლით, გარდა წინამდებარე ხელშეკრულების მე-5 მუხლით გათვალისწინებული შემთხვევისა.

17. სხვა პირობები

17.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.3 ხელშეკრულება შედგენილია თანაბარი იურიდიული ძალისა და მქონე, ორ იდენტურ ეგზემპლარად, ქართულ ენაზე, რომელთაგან ერთი გადაეცემა მიმწოდებელს ხოლო მეორე შემსყიდველს. მიერ.

18. მხარეთა რეკვიზიტები

შემსყიდველი:

მიმწოდებელი:

დანართი N1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

პრეტენდენტის ხელმოწერა _____ ბ.ა.

დანართი N2

ფასების ცხრილი

სხვადასხვა სახის ღობეების აღდგენისა და მოწყობის სამუშაოები	განზ. ერთ.	რაოდენობა	ერთეულის ღირებულება	სულ ღირებულება
	გრძ. მეტრი	1300		

შენიშვნა:

ხარჯთაღრიცხვის შედგენისას იხელმძღვანელოთ საქართველოს მთავრობის 2014 წლის 14 იანვრის N55 დადგენილების („ტექნიკური რეგლამენტის - სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ დამტკიცების შესახებ) შესაბამისად.

პრეტენდენტის ხელმოწერა _____ ბ.ა.

დანართი N3

ინფორმაცია განხორციელებული სამშენებლო სამუშაოების შესრულების შესახებ

წარმოდგენილი უნდა იყოს შემდეგი ფორმით

№	ხელშეკრულების დასახელება და ნომერი	ხელშეკრულების ღირებულება	ფაქტიურად შესრულებული სამუშაოების ღირებულება	დასრულების თარიღი

პრეტენდენტის ხელმოწერა _____

ბ.ა.